

Nermin Purić

Pitanje postavljeno Predsjedništvu BiH – „Da li Predsjedništvo BiH ima namjeru provoditi reviziju općih pravaca i prioriteta za provođenje vanjske politike BiH koji su utvrđeni još 2003. godine? Ne treba posebno naglašavati da se u međuvremenu desio jedan značajan niz promjena i na regionalnom i na globalnom planu i da su ovi principi na neki način već zastarjeli.“

Pitanja postavljena Vladi Federacije BiH :

1. „Da li su tačni izvještaji iz medija, izjave pojedinih vladinih zvaničnika da su finansijski najmoćnije i najsolventnije javne kompanije, te neke direkcije i institucije oročile oko milijardu KM u komercijalnim bankama uz mizerne kamatne stope? Šta je Vlada preduzela s ciljem rasvjetljavanja cijelog tog slučaja, te kako namjerava potrošiti dio novca koji pripada Federaciji BiH? Da li će taj novac biti utrošen u razvojne projekte i zapošljavanje ili kao i do sada u krpjenje budžeta i kupovinu socijalnog mira? Također molim da mi se odgovori o kojim je kompanijama i institucijama riječ i o kojim se iznosima radi?
2. Da li je Zakon o komunalnim djelatnostima Unsko-sanskog kantona u skladu s federalnim Zakonom o komunalnim djelatnostima? A ovo se posebno odnosi na član 36. Zakona.“

Pitanje postavljeno Vladi Unsko-sanskog kantona – „Da li Vlada preduzima mjere na smanjenju broja nezaposlenih u Unsko-sanskom kantonu? Na koji način to provodi, u okviru kojih projekata i kakvi su očekivani efekti?“